

Iech ging nao de merret

Koeplèt:

Och ampa leef, iech verveel miech doed,
Op deen TV is niks es bloet,
Och mam die zeet, dat maak diech slech,
Zoe keump vaan diech niks goods terech.

Och tótselke, jengk noe mer neet,
En luuster good, wat ampa zeet,
Geef miech dien hand en zing mèt miech,
En veeg die traon, vaan dien geziech.

Refrein:

'ch góng nao de merret, koch miech 'n kooj,
E stökske long, veur dee koejjong,
E stökske lever, vaan de wever,
E stökske pens, Kiele-wiele-wiele-wens.

Koeplèt:

Iech voond dat sjiek, dat vaan die kooj,
En vaan die pens, waor ouch 'n gooj.
Ach ampa zing, 't nog 'ne kier,
Zoetot iech ouch, dat leedsje lier.

Daan luuster good, iech zing ob'nuits,
Speciaol veur diech, en alle lui,
Veer zien biejein, en geer zeet dao,
Wat iech noe zègk, zègk geer mer nao.